

Madedaz tamatina taqutaqu ki uvavaz-az

Ma-aq sia Bununtuza ka madadengaz a, maqansiap taqutaqu ki uvavaz-az. Taqu-an mita ka uvavaz-az tu, “ Asa tu sasoqbung i masitutuqas siin madadengaz, tan-a kis iskalunan nai ta, tunanulu-un nait qasaman nai ta. Ni-i tu maqtu kis-ang haan tanangaus ne-an ta, ni-i amin maqtu tuqamqam nait makuniv haan tanangaus ne-an ta. Ma-aq is babazbaz a nai masitutuqas siin madadengaz a, asa tu itnengkal tan-a, ka-a tu masalaqit, ka-a tu tuqalav bazbaz, mopa mastaan nai ta ka qamisan madaing, kitataan mita ingtaa ka senidu-an siin pesnava-an tu tekla tu madia in. ”

Matunahip i issia diqanin tu sinkadedaz, sevan ata tastulumaq tu bunun siin melalangna, paaq pu-un asa ka tamatina tu heza-an i tekla, sinkadedaz elsasa-an sepuk ki tastulumaq tu bunun, maqasmav kuzakuza, ni-i tu mumuskun i duma tu bunun quu davus, pitesqangun a itu-anak-anak a sin-iqumis, uu ka na tudiip maqtu palansanan i uvavaz-az.

Ma-aq is mopa ta ka, al tupa tu kamani-i tu qaqasaman a, saduu mu-u tu mopa ta ka, malansan nenka mu-u minmopa ta amin, min-anak in mu-u ka uvavaz-az minmasihal. Paaq pu-un, ma-aq a issasepuk i uvavaz-az a sanasia amin i tamatina tu maku-aq a na mopa ta amin a uvavaz-az.

Uka qabas sia Bununtuza ka patasan, uka amin a pasnanava-an, uka ki petpetasan tu sisipulun, na kas-aang ata tu ni-i ka Bununtuza masnava ki uvavaz-az.

Ma-aq sia Bununtuza ka uvavaz-az a ansanu-un taqu kis ma-aq a palkada-an, isnava-an tu pa-un ta kuzakuza, ma-aq a isqaqanup a muntudipa-an masnava pinanaam is tonahaan Lus-anmalaqtenga ta, amin a uvavaz-azno-az isnava-an i tina matin-un i hulul, amin a is-atusasamu ka ansasu-un is nait mudandaan nopa kuzakuza nopa, taqutaqu-an i tamatina nait madadengaz. Paaq pu-un ma-aq sia Bununtuza ka uvavaz-az a aza-aza masisihal madadedaz maqaqasmav matatekla tu uvavaz-az, matumasqing saak miliskin i issia nasmadadengaz sintataqu tu samu.

Ma-aq lopa ko ka minmadadengaz a ula-an i ituduma siduq tu sin-iqumis, kamani-i in maqansiap i is-atusasamu ti. Katmang in kuzakuza, katmang in miqumis, mimitmang in amin, tuza tu kasalpu-un is miliskin. Na asa ka qudas nait mumu ka miqumis ang lopa ko tu, pin-uni-un ta masnava ki ituBununtuza tu is-atusasamu, musuqis kapimopa ki is-atusasamu miqumis a, na tudiip ata ka Bununtuza toqumisan i diqanin.

115 年全國語文競賽臺中市複賽臺灣原住民族語言朗讀文章 【巒群布農語】 國小學生組 編號 3 號

孝敬雙親教育兒女

布農族教育兒女說：「要敬重兄長和長輩，謹遵戒命。不可在人前放屁、講髒話和驕傲，要感謝上天。要聽兄長和長輩的話，因其智慧勝過我們。」父母要有智慧、愛心和耐心，勤勞工作，因父母的身教是兒女的教育根本。

早期沒有書和學校，有人認為布農族並沒有教育子女。其實族人的生活即教育，非常重視生活規範，尤其是狩獵，會在每年一度的射耳祭給孩子們練習射擊。所以，因父母及長輩們的身教，讓孩子們都能具備愛心、勤勞且充滿智慧。